



曾文正公奏議卷七

查閱沿江各軍疏

奏為查閱沿江各軍現抵金陵大營恭報近日軍情仰

祈

聖鑒事竊臣親赴前敵各軍查閱營伍曾於正月二十

七日附片陳明在案次日自省起程乘舟下駛二十九

初一兩日行過池州大通聞蕪湖金柱關軍情喫緊初

三日趕至蕪湖初四日周歷城壘旋赴裕溪口晤侍郎

臣彭玉麟由東西梁山駛赴金柱關詢悉偽侍王連日

曾文正公奏議卷七

撲犯該處二十四日在薛鎮獲勝一次初一日在梅塘

嘴始戰小挫旋獲大勝初三日復獲勝一次初五日臣

行抵烏江水營與提臣楊岳斌同至金陵之大勝關初

六入雨花臺營盤初七八等日逐段查閱均尚穩固迭

據探報忠逆之黨偽愛王黃崇發偽顧王吳如孝等股

續渡九洲洲二十七以後屢撲李世忠部將陳自明營

盤至初二夜失陷初三早浦口繼陷該逆遂分撲江浦

橋林城壘勢甚猖獗聞將先竄西梁裕溪再犯無為廬

州等語又據甯郡各軍稟報初一日廟埠等處之賊分

國朝  
六部  
書局  
藏  
大清  
乾隆  
二十  
九年  
正月  
二十  
九日  
奉  
旨  
錄  
副  
欽  
此

小股逼近郡城劉松山出城迎勦擒斬多名而大股由敬亭山趨併楊柳鋪圍撲鮑超高祖山老營鮑超督率諸將分路出擊大獲全勝旋即收復西河其小淮窰馬家園等處賊壘亦經王可陞於初二日率師掃蕩由是鮑超乘勝進攻又將紅楊樹高嶺梅嶺竹塘仰賢圩麒麟山各壘全行平毀其灣沚一股經水師於初五日擊退綜計甯郡西南北三面百餘里之賊一律掃除惟水陽鎮金寶圩尚未克復自去秋以來奇險迭生仰託

聖主鴻福竟得轉危爲安是屬至幸臣以南岸局勢較

曾文正公奏議

卷七

二

鬆調駐防三山之劉連捷三營北渡無爲州與毛有銘協守石澗埠調駐防塞亭之梁美材三營北渡廬州與石清吉協守郡城曾國荃亦撥熊登武等營添扎東西梁山以保要隘惟巢含以上地勢寬曠賊數眾多目前兵力單薄未敢浪戰必俟李續宜銷假回任江忠義由湘東來乃能會勦皖北由巢含迤邐而下直至浦口九洲除北岸之逆氛復去夏之初議至石埭太平之賊初一日竄至黟縣旋即退出嶺外於潛昌化之賊初三日竄近徽郡唐義訓迎擊獲勝此兩股意圖內犯江西

不知能堵截回竄否臣將金陵戰守事宜商定卽赴九  
洑洲相度地勢迴舟西上仍往蕪湖裕溪無爲州一帶  
詳加察看如巢賊上竄自當兼程回省以固根本要地  
聞李世忠親赴五河所有浦口九洑洲失陷情形尚未  
接其咨報卽甯國徽州金柱關三處大捷亦未接其詳  
報除各路戰狀及應獎應卹人員續行具奏外謹將微  
臣行程及南北兩岸近日軍情先陳梗概伏乞

皇太后

皇上聖鑒訓示謹 奏

曾文正公奏議

卷七

同治二年

密陳賊勢漸衰片

再密陳者臣巡閱諸軍詳觀賊勢攬南北之形勝察天人之徵應竊以爲有可懼者數端而可喜者亦有數端自池州以下兩岸難民皆避居江心洲渚之上編葦葺茅棚高三尺壯者被擄老幼相攜草根掘盡則食其所親之肉風雨悲啼死亡枕籍臣舟過西梁山等處難民數萬環跪求食臣亦無以應之二月十五日大勝關江濱失火茅棚數千頃刻灰燼哭聲震野若求賑卹他處蘆棚叢雜亦往往一炬萬命徽池甯國等屬黃茅白骨

會文正公奏議

卷七

四

或竟日不逢一人又聞蘇浙之田多未耕種羣賊無所得食故一意圖竄江西弁窺伺皖浙已復之區平民無所得食弱者轉徙溝壑黠者從賊以偷生且夕黨羽無定數酋長無定謀便恐變爲流賊更難收拾而諸僞王中如李世賢失金華楊輔清失甯國黃文金失蕪湖古隆賢失青陽劉官失池州巢穴雖破醜類尚多其意快快不甚服僞忠王之調度其行徑亦與流賊相近李世忠之心跡中外皆不敢深信頃因拊鹽構衅親赴五河雖浦口江浦失守尚未聞其回營主持與都興阿楊岳

斌蕭慶衍均有違言親匪類而遠正人逞小忿而忘大局茲值敗軍失地之際又奉革職留任之

旨竊恐其轉羞成怒倒行逆施則裏下河之謀鹽場倘有疎失此次北渡之賊亦有直犯裏下河之謀鹽場倘有疎失全局愈難支持凡此皆可懼之端也粵匪初興粗有條理頗能禁止奸淫以安裏脇之眾聽民耕種以安佔據之縣民間耕獲與賊各分其半故取江南數郡之糧運出金柱關取江北數郡之糧運出裕溪口并輸金陵和春等雖合圍城外而賊匪仍擅長江之利挹不竭之源曾又正公奏議

卷七

五

傍江人民亦且安之若素今則民間賊至痛恨椎心男婦逃避烟火斷絕耕者無顆粒之收相率廢業賊行無民之境猶魚行無水之地賊居不耕之鄉猶鳥居無木之山實處必窮之道豈有能久之理東南要隘如安慶蕪湖廬州甯國東西梁山金柱關裕溪口暨浙之金華紹興此皆山川筋脈必爭之地但求此數處不再失守終足以制該逆之死命昔年粵賊所至築壘如城掘濠如川墜深無匹近亦日就草率而官軍修壘濬濠今實遠勝於昔賊群酋受封至九十餘王之多各爭雄長苦

樂不均敗不相救而官軍仰承

聖謨三江兩湖水陸各營頗能和衷共濟呼應靈通至百姓仰戴

皇仁淪肌浹髓雖

臣等撫綏無術治軍無效斯民久陷

水火之中曾不一聞怨咨之語翹首而望平寇擊壤而謳吾

君意者民心所在天祐孔長凡此皆可喜之端也臣從軍數年從未敢以賊勢稍衰入奏惟念西北軍興

皇太后

曾文正公奏議

卷七

六

皇上焦勞彌甚故將南中可喜之機陳述一二仰慰

宸厪至可懼之端

臣殫竭思慮勉圖補救裏下河若有

疎失當在此兩月之中難亟謀挽回之術若竊號巨股變爲流賊昔

文宗皇帝嘗慮及之但求金陵蘇杭三處有一二克復卽當大赦群酋廣爲招撫以庶幾赤眉百萬同日納降之盛軌此中自有天意不盡關乎人謀至李世忠雖梟桀猜忌而其部下頗懷攜貳又不善戰縱或激之生變亦尚不足深慮臣始奉將李世忠革職留任之

諭本擬暫不宜示繼思該提督驕恣已久尾大不掉急  
亦有變緩亦有變終不能相安無事卽日當宣示

諭旨待李續宜江忠義軍到由巢含一路東下進攻江  
浦等處屆時或將李世忠失守各城嚴參懲究再行相  
機辦理理合一併密陳伏乞

皇太后

皇上聖鑒訓示謹 奏

同治二年

曾文正公奏議

卷七

七



此書... 卷七... 七... 皇太后... 皇上聖鑒訓示謹 奏... 同治二年... 曾文正公奏議... 卷七... 七... 此書... 皇太后... 皇上聖鑒訓示謹 奏... 同治二年... 曾文正公奏議... 卷七... 七...



攻克雨花臺偽城疏

奏爲官軍攻克雨花臺偽城及聚寶門外諸石壘恭摺

馳陳仰祈

聖鑒事竊僞忠王李秀成自六安戰敗率眾東竄紛傳

將回救蘇州江蘇撫臣李鴻章由商會國荃囑其力攻

上游以分賊勢無令忠酋得以全力援蘇會國荃以忠

賊回援蘇州固屬可慮卽直犯揚州裹下河尤爲可虞

計莫如急爭金陵老巢以攻其所必救使城中之賊不

暇遠趨蘇境而北岸之賊亦不敢專注揚州乃于四月

曾文正公奏議

卷七

八

二十七日宜諭各軍多備攻具先登者上賞退後者必

誅漏甫二下齊隊出濠六路併進每路以一營爲前鋒

兩營爲策應令李巨典趙三元武交清等專攻雨花臺

石城趙清河黃東南攻聚寶門外南卡石壘晏澧週易

春光攻西卡石壘何玉貴張詩日楊西平攻東卡石壘

又令陳澁率李定元朱文光羅景集等出中路應之易

良虎萬志漣等出左路應之前鋒各營于三更時匍伏

蛇行偷近石城石壘東草填濠架梯欲上賊遽驚覺然

砲外擊我勇中砲而踣者五人眾勇欲避李巨典立斬

二卒塞旂直前軍中無敢少後者羣以火箭火球盤空  
飛擲悉入石城天漸向明趙三元率中軍親兵從砲臺  
下蟻附而升李臣典武交清各率部卒從中右兩路肉  
薄齊登維時敵樓火發賊方奔救不料煙霾中人聲鼎  
沸亂鋒交下我軍已奪偽城一座該處地高勢險俯瞰  
東卡西卡南卡九石壘歷歷在目旋見趙清河黃東南  
晏澧迴何王貴等乘勢猛擊平毀數壘餘卽棄壘竄遁  
蕭孚泗易良虎陳澍縱軍圍勦將賊追過長干橋蹙逼  
入水者無數會國荃以雨花臺地段遼濶近接城圍賊  
曾文正公奏議

卷七

九

必與我爭此要害乃抽四營駐守石城增修六新壘以  
接各舊營之氣并調集後路各營以待之未幾城賊出  
大股潛匿附郭屋舍中以誘敵各軍蓄銳不發俟賊少  
懈突出奮擊蕭孚泗陳澍易長虎扼其前趙清河黃東  
南晏澧迴易春光伍維壽等截其後賊不得逞遂繞雨  
花臺乘我新營未定悉銳猛攻抵死不退李臣典趙三  
元武交清張詩日等督隊馳援黃潤臣成東昂等亦引  
軍來助搏鬥移時賊乃負創入城是役也俘執逾二百  
名殲戮近六千人奪獲砲械尤多軍士亦小有傷折

登雨花臺及金陵南門外各石壘據險雄峙屏蔽城垣  
昔年和春張國樑等屢攻未下茲賴

聖主成福諸將同心克此堅壘不特可分蘇場之賊勢  
亦于偪勦金陵深有裨益此次首先登壘戰功最著之  
提督銜記名總兵李臣典請

交軍機處記名遇有提督缺出請

旨簡放所有官軍攻克雨花臺等處石城石壘緣由謹  
會同大學士湖廣督臣官文江蘇撫臣李鴻章由驛五  
百里具奏伏乞

曾文正公奏議

卷七

十

皇太后

皇上聖鑒訓示謹 奏

同治二年五月十二日

江面肅清疏

奏爲水陸各軍會克江浦浦口二城草鞋峽燕子磯等隘并力破九洑洲一關江面肅清恭摺馳報仰祈

聖鑒事竊自巢和三城相繼攻克旋破雨花臺等處

石城石壘臣等于五月十二日陳奏在案厥後鮑超與

蕭慶衍劉連捷等在和州息軍數日正擬席捲東下疊

據探報賊中以雨花臺連破石壘恐官軍大舉攻城又

以崑新旣克恐滬軍大舉攻蘇李秀成與諸僞王紛紛

敗圖議由江北返援近救金陵遠救蘇州于是天長六

會文正公奏議

卷七

七

合來安等處次第解圍羣醜南渡而賊之分踞橋林小

店者亦于五月初五日冒雨掠舟紛紛搶渡江面人聲

喧闐不絕蕭慶衍度江浦浦口各賊股將無固志乃遣

騎隊襲之行未中途聞浦口之賊先已棄城遁走江浦

之賊獻書詣營乞降鮑超劉連捷察知其詐于初九日

引軍疾進蕭慶衍出烏江與各水營會師約戰適李朝

斌統太湖水師將赴滬上亦于是時道出金陵初十日

李朝斌派部將鄔桂芳李勝發江福山等師船由大江

衝卡先駢浦口以扼忠酋餘黨之未渡江者臣彭玉麐

自率定湘澄海清江三營 臣楊岳斌自率親兵左後護衛等營並調正中副後副右親兵前四營同入內河詎師次江浦而賊又聞風宵遁遂會合陸師將江浦浦口一併收復仍沿途追勦抄過逃賊之前賊正竄併九泖洲洲上僞城之賊不納我舟師截江圍擊賊不得渡爭向蘆葦中駭竄不知叢葦密處水深丈許或數丈昔道光年間備夷之濠張國樑禦賊之濠及羣賊歷年添修之濠溝港縱橫人馬紛逐一蹶卽溺死者駢積以數萬計至十一日餘賊飢啼江邊旣爲新開河所隔不得仍

曾文正公奏議

卷七

三

回北岸又爲大江所阻不得徑渡南岸各水師分隊登陸盡日輪攻攫刃就戮者半墮江自沈者半惟新中營副將鄔桂芳飛漿前驅徑奪洲隘中砲死之此五月初十日克復江浦浦口兩城之情形也二浦旣復我軍將有事于九泖洲會國荃乘夜至新江口與 臣玉麐 臣岳斌會勘該洲在驚流急湍之中高峙僞城巨砲層列對岸有攔江磯中關諸石壘又有草鞋峽下關七里洲燕子磯十數壘賊艦賊卡與爲倚護斷非陸師所能飛越亦非水師所易猝攻計莫如先取南岸數隘庶撤其

藩籬而九洑洲乃有下手之處十二日派丁泗濱許雲發楊海明胡俊友等四營爲頭隊從下關進派喻俊明唐敏義陶樹恩嚴定國羅宏裕楊占鰲等六營爲二隊從草鞋峽進更派傅敏才彭楚漢顏海仙張錦芳等爲三隊以應之臣岳斌仍與李朝斌往來督戰臣玉麐親督成發翔任星元兩營據九洑洲上流作欲攻不攻之勢使洲賊不暇兼顧南岸調派既定十三日天未向明丁泗濱喻俊明彭楚漢等乃循南岸飛駛而下將偏賊巢賊竟萬砲齊轟猝不得近其壘我軍預以枯荻灌油

會文正公奏議

卷七

三

縱火江上先焚其舟數百賊艦一時俱燼眾勇聚勢薄壘有緣牆而上者有從砲眼中搶險而入者遂平下關草鞋峽入賊壘移師轉向東關該關內倚小河外濱大江水流箭急師船不能上駛胡俊友舍舟登陸突出壘下方將一躍而登忽爲鎗子洞腹遽殞于陣陶樹恩許雲發憤極搏戰復裹重創士卒亦損折過眾回軍暫息乃于次日分兵襲破燕子磯殺賊毀壘而還此三十四等日叠克下關草鞋峽燕子磯三隘之情形也先是臣岳斌詢諸士人知江濱叢莽中有堤埂一道可達九

泐洲賊濠之外至是商令陸軍劉連捷楊鎮南數隊由堤埂缺處鳧水而進派彭楚漢傅敏才顏海仙三營從洲尾攻上派張錦芳成發翔任星元三營從洲頭攻下派喻俊明唐敏義嚴定國等及李朝斌所部之李助發周正林仁福山等營各駕舳板繞洲奮擊另飭丁泗濱羅宏裕楊占熬等由南岸分領水師直趨中關十五日昧爽兩岸並舉人人皆殊死戰賊之在中關者自恃附以爲壘卒不稍動其堅踞九泐洲者下有賊卡上有偽城千砲環轟片刻不息又于東西南三路分伏洋鎗悍

曾文正公奏議

卷七

十四

隊伺間出擊損我精銳幾不可以數計彭楚漢唐敏義負創角戰誓得此隘而甘心戰至日晡賊少怠乃于初更時謀之成發翔喻俊明顏海仙張錦芳等乘月色昏暗中移船潛近賊壘會西南風大作眾軍以火箭攢射立焚水中拖罟數隻風引火猛然及洲上卡房喻俊明李朝斌麾兵直上成發翔任星元張錦芳在左彭楚漢顏海仙唐敏義在右各率弁勇大呼升岸丁泗濱亦自中關鼓漿而來躍過重濠肉薄齊登前鋒旣登後者更進踰者被戕踐尸復登竟以二更後越墻撲入聚殲羣

醜無一脫者遂奪九洑洲爲城一座并獲大砲數百尊  
牛馬旂械無數此又十五日力克九洑洲之情形也臣  
等查九洑洲爲大江關鍵與金陵相犄角寔逆首所必  
爭之地幸賴

天威震疊奪此要隘北岸盡爲我有長江一律肅清從  
此圍攻金陵較有把握諸將士酷暑鏖兵血戰至五晝  
夜之久傷亡至二千餘人之多寔亦可嘉可憫此次尤  
爲出力之某某請以某官用所有官軍克復各城隘及  
九洑洲緣由謹會同大學士湖廣督臣官文江蘇撫臣  
曾文正公奏議

卷七

五

李鴻章恭摺由驛六百里具奏伏乞

皇太后

皇上聖鑒訓示謹奏

同治二年



近日軍情片

再近日軍情壽州一城苗逆圍攻如故蔣凝學毛有銘等子五月十三日毀東皋峯逆壘數座該逆續調悍黨增修多壘意在以長圍久困城內米糧久罄殺馬食士聞苗黨有夜棹小舟運麥入石以濟城中者可知從苗之心亦不甚堅臣現檄周寬世四營扎迎河集及四十里鋪保蔣凝學等之後路成大吉于十四日在麻城之宋埠拔隊亦令併援壽州以厚兵力其濱江一帶自九洑洲攻克後畱蕭慶衍駐江浦浦口以固北岸之防派曾文正公奏議

卷七

十六

鮑超渡江進扎孝陵衛以合金陵之圍十四日吳坤修萬化林等水陸勦賊破楊四渡六壘王可陞何紹彩周萬倬等并在婁公渡雁翅斗門連破七壘遂收復金寶圩距蕪湖金柱關百里內已無賊蹤西河灣泚各防亦均穩固甯國守將劉松山先于初八日赴涇縣與易開俊會勦灣灘大坑之賊獲一勝仗偽襄王奉王等股一由章家渡擾及丁村一由大坑偪犯涇縣易開俊分隊出擊力戰卻之其青陽守將朱品隆旣破梅林兩卡又毀陵陽鎮四壘直薄石埭城下屢攻未克回軍仍駐青

陽徽州嶺防近無戰事饒州景德鎮一帶劉勝祥于十一日獲一勝仗劉典席寶田等各率所部自石太漸進東壩則攻取金陵老巢較有把握然金陵城大賊眾諸酋日眷屬資財萃聚于斯洪逆老于戎事又留偽忠王不援蘇州共守金陵斷無輕棄之理必須力斷接濟做照昔年九江安慶之法嚴防江路禁截賊糧則百餘里之城數十萬之賊專恃肩挑陸運勢必不給數月以後當有因飢內訌之事查前此長江上下輪船與紅單師船均不免暗中濟賊除紅單船一項由臣設法查禁外曾文正公奏議

卷七

十七

輪船往來剽疾稽察尤難應請

旨敕下總理衙門照會英法各國公使于金陵未克以前不得在該城外停泊輪船庶該逆城孤根絕不至又成持久之局所有近日各路軍情理合先附陳犬概伏

乞

皇太后

皇上聖鑒訓示謹 奏

同治二年五月廿七日

南洋通商大臣無庸改設疏

奏爲南洋通商大臣一缺籌度現在情形仍請無庸改設恭摺仰祈

聖鑒事竊臣于上年六月初六日奏改長江通商大臣

一案經總理衙門議將駐扎處所及廉俸各欸請

旨仍飭臣會同薛煥酌定具奏臣卽遵與薛煥往返函

商悉心籌畫統計通商大臣廉俸一項添設官屬書役

等項每歲約須銀四萬餘兩目前卽無庸另建衙署而

于長江各口租備行館雇用輪船所費亦已不貲數年

曾文正公奏議

卷七

六

後漸推漸廣勢必有增無減濱江四省中外交涉事件

果能一一取決于專設之大臣誠不敢爲國家惜帑

項惟事有粗論之而僅得其端倪細審之而始盡其曲

折者薛煥奉到會議廉俸之

旨又經專函與臣縷商具道長江通商使臣所以可裁

之故蓋有數端其大意以爲自各國公使駐京一切裁

決于總理衙門凡各口洋務偶違條約有時可與力爭

則可就關員結辦卽臨以督撫而有餘有時爭之不服

則動向公使陳訴雖臨以大臣而無濟大臣巡歷各口

督撫近駐本省洋人性急弗耐守候不能不由本省就近辦理有時督撫奏咨未及到京公使早已周知郵遞之遲不及輪船之速况由大臣展轉覆咨更恐貽誤事機至華洋商民爭鬪構衅開涉刑名案件事隸地方有司尤不能不資督撫之力庶飭辦易而呼應更靈通商縱有專員在內仍不能免總理衙門之煩瀆在外仍不能減各省督撫之責任虛繫一官有名無實各等語剴切見商臣比致覆書深服其言之精當然猶以蘇皖羣盜如毛疆臣專謀軍事恐難兼顧洋務厥後李鴻章奉

曾文正公奏議

卷七

九

命兼顧通商大臣數月以來秩然就理益信華洋交涉之事均係疆吏必不可省之事是五口大臣固屬可裁即長江大臣亦同虛設相應請

旨仍照薛煥原奏裁撤通商大臣一缺歸併本省督撫及將軍經理以節糜費臣于中外撫馭機宜向未諳究而因時權變又何敢以奏設在先堅持初議曲爲回護所有南洋通商大臣仍請裁缺緣由謹繕摺由驛具奏伏乞

皇太后

皇上聖鑒訓示謹 奏

同治二年

曾文正公奏議

卷七

二十

同治二年

皇上聖鑒訓示謹 奏

各路軍情疏

奏爲彙報近日各路軍情恭摺仰祈

聖鑒事竊自大江南兩岸軍事孔亟應奉

寄諭指示周詳殷殷以金陵江西及淮上各防爲慮其

大概情形臣于六月二十七日具奏在案茲復就近日

戰守事宜分晰條列續陳于左

一金陵各軍疾疫過半鮑超所部建營爲尤甚爲忠王  
侍王輔王章王等糾率悍黨堅守老巢時復伺隙出戰  
以圖一逞六月二十二日突分兩枝一出儀鳳門直撲

曾文正公奏議

卷七

廿一

鮑超霆字右營一出太平門繞撲劉連捷南字等營我

軍轟擊竟日負創而遁七月初一日又以西瓜炸砲猛

攻劉連捷下關營寨勢更凶悍得水師協力苦戰擊退

李成謀與劉連捷各受槍傷幸不甚劇聞白齊文投入

賊中以重金廣置礮砲分解金陵現在劉連捷營外明

掘直濠暗開地道計日內必有數次惡戰又准李鴻章

抄送忠酋等偽文新調僞護王潮王同援金陵展王改

守句容但願羣逆畢萃金陵或者蘇常等處有機可乘

未始非官軍之利也

一毛鴻賓請調張運蘭入粵欽奉

諭旨垂詢所部老湘營能否調往飭臣酌量辦理張運蘭自上年十月間因病回籍所部湘勇十營卽派部將易開俊劉松山各統五營分守甯國府涇縣兩城甯國當廣德建平之衝涇縣當太平石埭之衝易開俊等內防外勦屢御賊氛城垣賴以保固所駐皆係最要之地臣處別無換防之師接據毛鴻賓來函亦以該營欠餉過多一時恐難抽動已令張運蘭另募三千人帶赴粵中則所部湘勇自應仍留皖南以資得力

曾文正公奏議

卷七

三

一太平石埭之賊堅踞如常六月十七日分股進章嶺羊棧嶺竄入黟縣意將由上溪口衝出婺源就食江西十八日王文瑞自祁門督軍曾合劉典留守漁亭之各營併攻黟縣一戰克之驅賊至嶺外十數里擒斬甚多此次幸仗

天威勦辦極速不使徽州更增一患卽免江西再設一防

一江忠義李榕兩軍駐守湖口六月十九日堅山之戰偽堵王黃文金實負重傷二十八日勦賊于陳兵馬水

車港等處二十九日追賊于梧桐嶺太平關等處分道  
馳擊均獲勝仗七月初三夜堅山營中俯瞰文橋賊巢  
火光隱約江忠義知賊將宵遁約李榕于將曙時引軍  
襲破諸壘賊乃敗退黃沙嶺分竄都昌彭澤境內湖口  
已無賊踪江忠義等加派隊伍裹帶乾糧馳追三日尙  
未收回前奉

聖諭速由湖口與饒軍並進將江境各賊悉力驅除由  
石太進取東壩有此一捷賊鋒稍挫如江西一律肅清  
臣卽當催令江忠義李榕等欽遵

曾文正公奏議

卷七

三

前旨安速辦理

一恭奉六月初五日

諭旨垂詢李世忠作何動靜節臣隨時奏聞李世忠之  
心跡中外皆不敢深信臣于二月二十七日亦經密陳  
及之乃二浦並陷深感

聖主之不加嚴譴九浹洲既克又畏楚軍之難與抗衡  
臣察其愧悟漸生頗知斂抑亦復推誠相待事事示以  
不欺近接該提督來函有五河地方爲臨淮後路倘苗  
逆下竄誓必堅守五河決一勝負等語李世忠與苗逆



積怨甚深其欲發憤勦苗旣伸公義又報私仇似屬出于至誠近日臣處餉項極絀數月以來並無銀米子藥解赴滁州李世忠亦無怨望之意若坦然相處當不致別生枝節

一苗逆圍陷壽州後遣黨在正陽關增壘浚濠尙未盡動何紹彩陸師四營于六月二十六日取道廬州前進彭玉麐楊岳斌所派舢板八十號亦于二十二二十五等日由九洑洲先後開行計此時均已趕到臨淮得此水陸倚護唐訓方之老營可期穩固惟蒙城糧路將絕曾文正公奏議

卷七

二百

危殆萬分恭讀六月十九日

諭旨命臣另籌一軍赴潁上擣苗逆老巢能否于江北陸路防軍內抽調勁旅或徑援蒙城或由定遠馳抵懷遠等因查江北陸營如蕭慶衍所部駐防江浦浦口周寬世所部分防桐城六安迎河集等處蔣凝學所部分防潁州霍邱三劉集等處成大吉所部扼防三河尖一帶毛有銘所部扼防老廟集一帶各守要區萬難抽撤此外實無一枝勁旅可援蒙城並赴潁上無以仰慰

宸厪曷勝愧悚

以上六條均係

諭旨垂詢之件及各路布置情形除戰狀分案續報外  
合先逐條詳列由驛五百里馳陳伏乞

皇太后

皇上聖鑒訓示謹 奏

同治二年

曾文正公奏議 卷七

五



同治二年

皇太后聖鑒訓示謹 奏

皇太后

皇上聖鑒訓示謹 奏

諭旨垂詢之件及各路布置情形除戰狀分案續報外  
合先逐條詳列由驛五百里馳陳伏乞

皇太后

奉 諭覆陳疏

奏爲欽奉迭次 諭旨恭摺覆陳仰祈

聖鑒事竊臣伏查濱淮之要區有五北曰潁上曰懷遠南曰壽州曰鳳陽曰臨淮皆緊傍淮水者也距淮稍遠之要區有四北則濱潁河者曰潁郡濱渦河者曰蒙城南則濱淠河者曰六安濱史河者曰固始皆滙于淮水者也自潁上懷遠壽州悉淪于賊九處已失其三目下唐訓方所置守者爲臨淮爲蒙城爲鳳陽三處臣所置守者爲六安爲潁州爲固始三處情形雖稍分緩急而曾文正公奏議卷七

廿六

皆苗逆必爭之地臣前派何紹彩陸師二千人及彭玉磨楊岳斌所撥舢板八十號先後抵淮亦嘗戰勝一次因苗逆徒黨日衆夾淮而軍懷遠蚌埠糧路已斷七月二十二日唐訓方將各營撤退卽長淮衛小蚌埠一帶亦被苗逆佔踞臨淮一軍危如累卵臣本思續撥援兵挽救全局况又迭奉

諭旨責無旁貸無如近淮諸軍如周寬世蔣凝學毛有銘成大吉等皆扼守最要之地不能抽動周寬世所部分兵六安迎河集二處尙嫌單薄頃又調桐城一營併

扎迎河矣蔣凝學所部分守潁郡霍邱三劉集三處七月十七日攻破黃梁集西南二圩十八九日迭平數圩該處在溜子口之南苗黨有倘貫金者嘯聚其間蔣凝學派隊出劉家台湖口焚其米船盡毀羣圩遂于八月初一日襲破倘逆老巢嚴防河路爲將來進兵溜子口之計毛有銘所部駐守老廟集七月十七日攻破陶家三圩旋又分扎板橋集凡壽南六北之良圩賴該軍以自保成大吉所部分駐固始三河尖近以爲潁郡之聲援遠以爲鄂省之屏蔽而潞境等圩首鼠觀望亦須有

曾文正公奏議

卷七

該軍維繫其間庶不致堅其公然從苗之心凡此皆近淮諸軍難以調動之情形也至大江南岸諸軍自江西肅清後黃文金等股七僞王圍撲青陽守將朱品隆病勢日篤不能登陣將士病者過半苦守兩旬兵單糧絕炭炭可危李榕之由水路赴援者甫抵離城十八里之銅埠江忠義席寶田之由陸路赴援者現尙未至池州青陽之能否保全殊無把握縱青邑倖保無恙而賊意在圍魏救趙將徧擾皖南最要之區以掣金陵官軍之勢凡甯國蕪湖南陵涇縣灣沚青弋江必將處處吃緊

臣以金陵各軍新破上方橋河西二壘城賊水運已斷  
不得已檄令鮑超引軍西上以勦山江回皖之賊以救  
甯國蕪湖之急方今滬軍極盛江陰新克已將蘇浙之  
賊截爲數段正在得手之際本宜加功于金陵收效于  
蘇郡臣分金陵之兵以救皖南已屬失算若再遠救淮  
上所失猶大此江南諸軍不能赴淮之情形也

諭旨命臣劄調李世忠迅速進兵毋稍遲悞並垂詢是  
否可資其力一節李世忠中心感愧與苗爲仇是其可  
信之端而將弁驕恣士卒攜貳又其不可恃之端該部

曾文正公奏議

卷七

七

所駐江北州縣惟滁州五河兩城稍有關係數年之儲  
蓄各營之精銳畢萃于斯論守局則自顧身家或有堅  
忍之力論戰陣則尙無紀律難操必勝之權果其該提  
督迫于公義私憤併力勦苗自未便阻其敵愾之心致  
啟其猜疑之漸若必調勦以資其力則臣能保該提督  
之無他不能必該部衆之用命萬一軍心不固前敵挫  
失恐五河後路又蹈二浦覆轍欲拯臨淮之急轉貽全  
局之憂此又臣不能不過慮者也竊計臨淮各營何紹  
彩歐陽勝美等之陸師丁泗濱王吉之水軍尙無損折

普承堯張得勝挫退以後已逾半月當可收集補綴次第成軍臣等解銀二萬及子藥鎗砲以資整頓倘得陳國瑞援軍迅達臨淮或者勉力支持保此危置臣俟皖南軍事稍鬆仍當另籌一旅馳往會勦斷不敢稍存膜視上煩

宸廩所有迭奉

諭旨綠由謹繕摺由驛五百里覆奏伏乞

皇太后

皇上聖鑒訓示謹 奏

曾文正公奏議 卷七

同治二年

京倉需米疏

奏爲京倉需米甚殷遵照部議妥籌恭摺仰祈

聖鑒事竊臣接准戶部咨開三口通商大臣崇厚籌備  
京倉一摺經該部議奏請

旨飭下臣與宮文沈葆楨惲世臨嚴樹森等會同籌畫  
將鹽課漕折兩項寔能籌撥若干妥籌辦理等因于同  
治二年七月初一日奉

旨依議欽此并抄錄原奏咨會到臣查咸豐十年以

來蘇浙淪陷南漕運京爲數寥寥上年全漕竟未興辦

會文正公奏議

卷七

三

僅賴李鴻章勸辦商捐米九萬于夏間次第解京在上  
海經營甚苦而在

天庾則裨益甚微本年東南應徵之漕自應設法多解

本色上供京師至急之需然江蘇淮揚通海之米已由

漕臣吳棠奏准仍征折色撥充揚州軍餉湖比之米已由

撫臣嚴樹森奏准萬難改征本色江西之米亦由撫

臣沈葆楨具奏仍難改征本色此三臣皆素抱公忠非

不顧京倉根本之人其所以難于解米者蓋爲時勢所

迫成例所拘殆非一二言所能罄目下欲運江楚之米

入京卽百餘年之成憲與近數年之事例均不能不大  
爲變通臣請爲

皇上縷陳之向來三江兩湖皆有官製漕船分幫編號  
水次受兌各有定所今則漕船盡壞將欲全數修復需  
銀約三千萬兩旣難籌此巨款又值黃河北徙運道久  
淤之後又值泰西就撫海道暢行之時由江浙閩廣以  
達天津出入洋面如履戶庭揆之天時人事自須全廢  
河運概行海運而兩湖江西安徽向未有辦過海運成  
案江湖之遠雇船之費若非由部臣先爲定議置臣頗  
曾文正公奏議

卷七

世一

難措手自前明以屯田養衛軍以衛丁運漕糧我

朝因之改爲旗丁行之旣久屯戶不能耕田而漕與乎

民動倚衛官以抗糧衛軍不能使船而另募水手動引

旗丁以滋事名實相舛旣已不勝其弊矣而旗丁每次

領運需索幫費視州縣若魚肉閘壩之委員通州之倉

書又視旗丁若魚肉臣歷觀道光年間諸臣之奏疏

宣宗之諭旨言及州縣浮收旗丁幫費未嘗不深恨次

骨終以積重難返莫可如何今則局勢大變日月重薪

漕船旣可全廢旗丁亦可全裁頃者兵部議覆嚴樹森



裁兵一案飭臣等酌量辦理郭嵩壽在糧道任內因之詳請盡裁屯兵以屯田改隸州縣以衛官改隸綠營其說甚爲詳明臣以戎馬倥傯尚未據以入奏茲旣議廢漕艘自應并革衛軍臣所謂百年成憲不能不大爲變通者也道光二十七年王大臣戶部議以京師之現銀太少南中之浮收太重請將南漕改征折色以實部庫而蘇民困旋經督臣李星沅奏駁不行

文宗登極撫臣傅繩勛陳浮收幫費之弊民不聊生又請改徵折色旋經部科議駁不行逮咸豐三年粵匪竄

曾文正公奏議

卷七

三

陷金陵長江梗塞不得已改收折色定爲每石一兩三錢當時銀每兩換錢二千餘文米價每石不過一千餘文故一兩三錢民猶病其重也今則情形迥異價值懸殊銀價每兩不過換錢千三百餘文米價雖各省不同然大致相類李鴻章嚴樹森奏稱四兩以外係就夏間荒歉言之吳棠沈葆楨奏稱三兩上下係就秋間收穫言之臣處目下所買之米其價亦近三兩若如崇厚奏合米價運脚僅及二兩則近年絕無此事米價旣費三兩加以由內河而出江由江而海而津船價耗米等費

計亦不下二兩是南省解到天津之米約計需銀四兩九錢而南省所收民間之漕部價僅算一兩三錢若解米十萬石卽有三十六萬金無著之款部臣不准銷量臣不能賠此中窒礙情形實乏彌縫之術卽以江西而論辛酉年之漕折臣與毓科出示每石征錢三千壬戌年之漕折臣與沈葆楨出示每石征銀一兩九錢以一兩三錢之部價計之則所納并不爲少以目前穀米之市價計之則所納之數斷不能購米一石而船價耗米各費更無所出以臣愚見必求部臣奏請

曾文正公奏議

卷七

卅三

特旨米價運脚均准據實報銷不拘原定一兩三錢之數庶江楚本屆之漕尚可設法解京臣所謂近年事例不得不大爲變通者也兩淮鹽務與漕政本不相涉然崇厚議撥鹽課以購南米亦權宜救時之一策臣忝任鹽院三載有幾而淮鹺未嘗竭力經畫非敢視爲緩圖也沿江上下各軍釐卡至十餘處之多均以鹽釐爲大宗臣若驟議變革則各軍皆將向臣處索餉若全不變革則官鹽斷不能逐卡完釐而楚岸引地久爲粵私川私侵佔西岸引地久爲浙私粵私侵佔民間藉此以免

淡食鄂省藉此以籌釐餉江路未通豈能禁鄰省之盛行且輪船拖帶流弊百出既恐授洋人侵奪鹽利之權又恐啟私梟假托洋商之漸種種窒礙無處著手故吳錫文之呈詞錢寶廉之奏疏雖奉

諭旨飭辦臣尙因循未及興辦職此之由仰託

皇上威福九洲既克長江一律肅清臣始與郭嵩燾重立新章先辦江西一岸現在規模粗定稍遲數月再行專案具奏大約緩納逐卡之釐金由臣處總收而分送各處禁餉鹽之名目以商運爲主而輔以官運庶幾曾文正公奏議

卷七

四

收回利權漸循軌轍此又當變通近年之事例而返諸昔年之成憲者也斯二者皆當今之急務而漕糧之關係尤重更張更大相應請

旨飭王大臣戶部悉心集議據臣愚見復南漕之舊章定海運之全規縱使軍務大順亦須俟諸同治五六年後目下二三年內祇可作試行之局難遽爲永定之章米食不必徵諸民間民折銀而官購米亦可商捐米而官代解亦可米色不必拘守成例江廣參用白糧亦可蘇浙不盡粳米亦可數不必如其額解數十萬石不嫌

其多三四萬石不嫌其少價不必其盡同此省與彼省  
可以參差前批與後批可以增減但求有米到京一切  
不爲束縛聽東南各督撫因地制宜從容展布試行一  
二年後自然漸備漸精中外皆有把握爲今日之試行  
卽爲他日之成案如漕船應否另造屯衛應否裁汰沙  
船應于何處受兌上游應于何處滙總何條應用歷年  
海運之例何條應用歷年商捐之例須由王大臣戶部  
預爲議定庶幾可暫可久得所遵循至鹽務係臣專政  
目下實無鹽課銀兩可以撥充漕費抱愧殊深所幸湖  
曾文正公奏議

卷七

五

南撫臣惲世臨籌畫精詳擬解米十萬石進京除新舊  
漕折外另籌巨欸以作運費將銀兩先解臣處商所以  
運津之法又奏派迤東道黃冕察看長江剝運事宜黃  
冕因創爲米鹽互市之議稟請于皖省設互市局招徠  
湖北商賈運米至皖由皖省設法運滬運津並招淮南  
運鹽至皖與楚中米商交易而退此局若成不特湖南  
漕米可以中途相兌并江西湖北之漕亦可酌量由皖  
遞運淮鹽如有起色既可清軍餉之積欠亦可補京米  
之不足與崇厚原奏戶部復議均相符合卽與華祝三

請提江廣之銀交吳棠買米解京之奏其用意亦爲暗  
合實屬因勢利導兩有神益除由臣函商江楚二省詳  
議各行具奏外所有京倉需米遵照部議悉心妥籌緣  
由恭摺由驛五百里復奏伏乞

皇太后

皇上聖鑒訓示謹 奏

同治二年

金陵迭克關隘疏

奏爲金陵陸師迭克東南沿河八隘并復秣陵關僞城恭摺仰祈

聖鑒事竊本年八月間官軍攻克江東橋上方橋後金陵城東尙有數隘未下夾河而壘戒備甚嚴近城者曰中和橋曰雙橋門曰七甕橋稍遠者曰方山土山曰上方門高橋門迤南則爲秣陵關以至於博望鎮亦金陵之外輔也會國荃以東路未平不能制城賊之死命遂令蕭慶衍彭毓橘蕭孚泗等擇小河紆曲之處架橋結會文正公奏議

卷七

七

後謀分隊伍束渡立營詎賊已先據河東築數壘以拒我蕭慶衍迭用巨砲隔河迎擊旋于九月十八日派朱吉玉李祥和更在西岸上下游各修三營爲進兵之計賊復列洋槍數千枝于堤埂下與我軍盡力對轟相持不下者兩日夜二十四更時李祥和王仕益蕭開印吳次漢等率銳卒從下游過河蕭慶衍率朱吉玉劉長槐等皆從上游過河破五土壘殲賊頗衆俄而城賊壘賊蠶擁來爭蕭慶衍一面搶築營寨一面麾軍環進挫賊前鋒逾時却走而東岸之營壘已成二十二日賊又

諸道並出銳不可當陳湜彭毓橘蕭李泗會督趙三元武交清駐兵其中使雙橋門以東不能通城賊之氣蕭慶衍更率所部各營徑取中路戰入核心曾輝日王棲鳳蕭有致等死之各將士憤甚相排競進賊乃靡然返竄蕭慶衍以騎隊邀斷歸路遂克上方門高橋門雙橋門諸石壘而右路方山土山之賊經熊登武胡松江陳壽武分道馳勦亦各棄壘而奔于是七襄橋踞賊惶遽欲遁蕭孚泗彭毓橘帶熊登武等八營扼定東岸之左李臣典帶吳宗國等五營遮擊西岸之前正謀前後合

會文正公奏議

卷七

美

圍一鼓併下城中忽出大股抵死來援兩軍相搏張毓明劉開傳章盛南蔡典隆羅得升喻得輝等又死之蕭孚泗彭毓橘急督各軍擊退援賊仍復偪壘環攻至二十四夜令死士潛往縱火賊眾冒烟突出乃克斯壘屠戮無算此九月十七至二十四等日連克上方門高橋門雙橋門土山方山七襄橋二十餘壘之情形也方山以南爲秣陵開開以南則爲博望鎮賊在該鎮設卡者二築壘者七上可以應水陽而旁可以控金桂關守關者爲朱南桂亦曾國荃之部將也九月十八日聞鮑起

等軍將有事于水陽朱南桂卽會約朱洪章武明良等  
五營進次小丹陽潛察形勢議襲博望鎮使不能爲水  
陽之援夜漏四下朱南桂率黎冠湘等銜枚疾進以武  
明良爲右翼朱洪章爲左翼十九日味爽各軍前鋒齊  
抵博望卡下卡賊負固死守槍砲橫飛猝不得近朱洪  
章俟賊少懈鼻巨砲至左卡一發而殪數賊武明良又  
用火箭攢射燔及右卡哨棚群賊駭懼撲火爭竄我軍  
正乘勢殺入毀其堅卡而壘中之賊傾巢驟至朱南桂  
往來猛撲未能略挫其鋒朱洪章武明良陰率哨勇繞

曾文正公奏議

卷七

三

出頭壘踰牆而登賊聞後路人聲鼎沸返顧群壘已易  
官軍旗幟錯愕不知所爲朱南桂等縱兵夾擊驅賊至  
長流觜地方墮河而溺者強半乃引軍回駐博望奪獲  
米穀近二千石此九月十九日金柱關防軍攻破博望  
鎮二卡七壘之情形也曾國荃以博望旣得則秣陵開  
之勢孤七甕橋旣得則中和橋之勢孤二十五日派趙  
三元伍維壽共帶馬步九營南略秣陵開又派陳湜黃  
潤昌分帶八營出七甕橋之西與熊登武胡松江等會  
師于中和橋一戰克之而秣陵開之賊見我馬步馳至



卽棄釜奔潰各營追及河干深不可涉僅斬尾股二百餘人而還自是紫金山西南無一賊巢矣二十七日曾國荃親督蕭慶衍蕭孚泗彭毓橘李臣典陳湜等往勦孝陵衛地勢將欲分營移駐賊自朝陽太平兩門突出二枝前來搦戰蕭慶衍陳湜率所部各當一路蕭孚泗李臣典率所部傍城抄八鑿戰方酣俄有一酋指麾督陣曾國荃知爲巨目乃匿洋槍隊于山麓伺其近而擊之該酋中槍墜馬賊陣遽亂有敗往城中者有不及回城轉向純化鎮大路而逸者蕭慶衍陳湜等率騎兵追

曾文正公奏議

卷七

四十一

至三十里外俘執百數十人訊據供稱中槍之酋僞護王陳坤書也章順二僞王仍退入城始不敢復出矣此二十五至二十七日迭克中和橋秣陵關及大戰城下獲勝之情形也臣查金陵一城面面布置據有重險爲洪逆堅不可拔之基自克九洑洲江車橋數隘而西南一面已爲我有茲又克七甕橋秣陵關等隘而東南一面並爲我有現今蕭慶衍全隊進扎孝陵衛經營城北漸成合圍之局此次出力人員應俟續立功績彙案請獎其力戰陣亡人員俟查明另行開單請卹所有金陵

一軍迭克要隘各緣臣謹會同大學士湖廣督臣官文

江蘇撫臣李鴻章浙江撫臣曾國荃恭摺由驛五百里

具奏伏乞

皇太后

皇上聖鑒訓示謹奏

同治二年

迭克四城三隘疏

奏爲水陸各軍剿撫兼施迭克水陽新河莊東壩等隘  
高渚甯國建平溧水四城恭摺馳陳仰祈

聖鑒事竊官軍攻克水陽新河莊并復高渚東壩等城  
隘臣國藩于十月十二日附陳大概在案方鮑超進軍  
仙人橋王可陞進軍東門渡出金寶圩之南將并攻新  
河莊臣王麐以該處地窄勢險未可以用眾也因率喻  
俊明唐敏義水師兩營並約吳坤修劉祥勝傅家桂陸  
師六營出金寶圩之北將有事于水陽臣岳斌亦率李

會文正公奏議

卷七

聖

濟清羅宏裕王仁和等戰船來會師次密灣見有堅大  
石壘砲眼層列能越水陽等壘而遙擊我軍九月二十  
六日風雨蔽天賊備少懈喻俊明唐敏義乘夜運砲過  
河密排洲次徹夜環轟比曉石壘半圯遂合劉祥勝等  
鼓譟而前李濟清吳坤修亦駕小划入亮隄門平圩垣  
數壘併攻水陽破之其南路則有成發翔張錦芳等帶  
舢板進南湖毀夾岸兩卡卽于次日衝過新河莊從油  
榨溝倒擊而下時鮑超浮橋未成弗克東渡王可陞偏  
師獨進正與眾賊相持各水勇升岸大呼踰濠競入力

攻新河莊又破之水陽迤北曰滄溪距滄溪十餘里曰塘溝爲直達高瀆之要路臣王麟於二十九日令吳坤修萬化林往取滄溪親督水師及傅家桂等陸師襲破塘溝進塘溝數里曰高瀆湖口東西兩壘萬鎗齊發阻我陸師進步十月初一日唐敏義王仁和於鎗子如雨之中會合各舟師疾駛而進拔其堅壘又數里曰長樂鎮街市之中賊築石城砲台旌旗迷目我軍略不停漿衝入湖心忽梗一橋洋槍集於橋下喻俊明羅宏裕李濟清傍兩岸悉力衝擊唐敏義王仁和爭拔椿木斫斷

曾文正公奏議

卷七

聖

橋梁一躍而上舉火立燔石城該鎮旣克劉祥勝傅家桂亦渡旱隊來助吳坤修萬化林亦自滄溪戰勝而還乃合軍謀進高瀆先是高瀆賊目楊友清乞撫不許至是該賊目遣人通款伏地涕泣自陳臣王麟察其情詞可信令與僞輔王餘黨自相攻門始許之降初二日率師前往受降及至西門外烟焰上騰殺聲未絕楊友清率衆扣馬告曰僞輔王府餘孽有變頃已計斬之矣於是入城安撫悉遣降眾是夜略地而東并取固城一鎮此九月二十七至十月初一日水陸連破七隘初二日

收復高涪縣城之情形也自太平旌德背盟叛去之江  
申二酋下竄東安鎮圖與僞匡王賴文鴻合股易開俊  
以旌城初復賊未遠颺利在速戰而又慮廣德撫議未  
成仍爲該二酋挾之以叛也乃遣降人彭國均問道入  
廣德馳諭招之一面部勒營伍於初三日度環雲嶺將  
抵東安鎮市口賊館如雲散布村落間歐陽廷易致中  
步隊及蕭章開騎隊騰蹕而入所遇輒殪隔峴賊援涉  
水來爭又得陳裕英等渡河抄擊陳名鈺等沿河兜剿  
賊受大創闐然而潰維時甯郡守將劉松山方揚隊於  
白果樹湯村何村一帶詢知株木店增賊四五千眾悉  
目東安鎮戰敗而來乃引軍突出截之賊正傳餐將發  
不虞我兵猝至悉無門志棄釜駭奔劉松山親督各勇  
驅出廣德大路旋即移師東嚮將攻甯國縣城賊賴文  
鴻先經聞風宵遁而易開俊所派之陳裕英等旗適至  
遂與劉松山會復城池初四日彭國鈞返自廣德引降  
將鄭魁武部眾萬餘人詣東安鎮軍前乞降易開俊曉  
以大義簡留一營餘則概予資遣惟鄭魁武舉眾來歸  
廣德一城又爲江會義申法喜叛黨乘虛竊據矣此十

曾文正公奏議

卷七

四

月初三日收復甯國縣城之情形也初新河莊既克尙有東夏四壘爲建平東壩之樞紐初八日鮑超令馮標周有勝王衍慶等屯軍曹塘進攻東夏賊恃墻濶濠深堅伏不出馮標摩壘而進手刃悍酋周有勝王衍慶率眾爭抽鹿角齊登一壘平而眾壘俱下自是東壩守賊黎立新等上書水營請爲內應建平守賊張勝祿等上書陸營請獻城池定議建平撫事使馮標任之東壩之戰事則鮑超與臣王麟同任之初七日臣王麟率水師八營及吳坤修劉祥勝等旱勇六營鮑超亦率馬步十曾文正公奏議

卷七

壘

三營合趨東壩見上壩高峙三大壘壩後築有偽城橫亘數里正議分軍立寨僞隨王楊柳谷馳告壘賊梗命楊輔清爲謀主乞速進兵以踐黎立新之約鮑超卽令譚勝達李文益熊鐵生黃海清孫得友等繞壘圍攻臣王麟亦令喻俊明唐敏義等五營依護吳坤修劉祥勝各隊直出壘下適臣岳斌飛檄而來督令李濟清王仁利羅宏裕等專向水路助陣戰不逾時殲賊盈千賊多踰壘而逸者楊輔清從亂軍中敗往溧陽而楊柳谷立獻僞城乃克東壩要隘東壩復而建平之捷書亦至自

馮標八境宣諭張勝祿等十二人感極涕零矢志不貳  
卽於是日斬傷距王藍仁得舉城以降建平復而溧水  
之降書又至踞溧水者爲楊英清黨眾萬餘願縶軍械  
各散回籍十二日臣玉麟會同臣岳斌帶隊進城溫詞  
撫慰盡資之行不復稍留降眾另立新營此十月初七  
至十二等日剿撫兼施克復建平溧水二縣及東壩一  
隘之情形也伏查江皖接壤之區以東壩爲最要關鍵  
仰賴

天威震疊驚服群酋旬日之間收取四城并奪東壩重  
會文正公奏議

卷七

吳

險臣國藩現檄鮑超全軍駐守東壩保此三省扼要之  
地卽爲附近游擊之師檄派王可陞守溧水李榕守建  
平洪咨海守高濬朱品隆喻吉三兩軍分守青陽石埭  
太平三城易開俊劉松山兩軍分守甯郡旌德涇縣三  
城此外無兵可撥以故廣德一州未能進剿甯國一縣  
未能置守致皖南不能一律肅清愧歉實深諸賊目革  
面自新有裨全局似宜宥其罪而并錄其功合無籲懇  
聖恩准將楊柳谷鄭魁武張勝祿等三人

賞給都司虛銜頂帶楊仁義黃儒繡李明魁黃勇發江

元泰陳永爵 明玉湯桂風陳世青周珍金汪保發等  
十一人

賞給守備虛銜頂帶以昭激勸其餘大小頭目可否酌  
給虛銜此次在事出力人員可否容臣等查明併案保  
獎之處出自

鴻施逾格至陣亡各員弁均候一併確查彙案請卹所  
有官軍剿撫并籌迭復各城隘緣由謹繕摺由驛五百  
里具奏伏乞

皇太后

會文正公奏議

卷七

四七

皇上聖鑒訓示謹 奏

同治二年



前安徽撫臣病故疏

奏爲前任安徽撫臣病故遺書節錄代陳仰祈

聖鑒事竊臣接據湘鄉來函前任安徽撫臣李績宜于

十二月二十八日在籍病故其前一日該撫自作遺書

寄臣中有云伏枕自揣決無生機續宜死何足惜所最

難安者

兩朝之恩未報老父之養未終髮逆蔓延苗逆猖獗

部二萬人分駐皖省一切全賴主持續宜臥病家山奄

奄待盡心事未了死不瞑目前數日原擬將未了事宜

曾文正公奏議

卷七

四

力疾爲一遺表乃構思未就遽爾病革一息尙存遺恨

何極伏懇具疏代達鄙忱上謝

聖朝高厚之恩略表圖報來生之意等語臣查該故撫

李績宜以書生從戎咸豐三四五年幫辦其師羅澤南

營務六七八年幫辦其兄李績賓營務戰勝攻取無役

不從臣與胡林翼皆知其才足以獨當一面勸令召募

新軍別樹一幟李績宜堅不允從故一年功績爲其兄

所掩未予優敘直至八年之冬李績賓殉節三河李績

宜始涕泣誓師代領其眾九年夏間逆首石達開擁數

十萬眾圍攻寶慶九十餘日李績宜自鄂馳援一戰而解圍威望由此大震

恩遇因之日隆未及一歲由道員洊擢巡撫連克兩府五縣李績宜猶以驟膺重任不足上酬

國恩下雪私仇爲恥

聖主臨御李績宜調任鄂省兩撫皖中旋授

欽差大臣異數疊稠

密諭肫誠李績宜每與臣言自以新進之臣謬受腹心之寄

曾文正公奏議

卷七

四九

恩重報輕惶悚無地逮丁憂以後

賞給治喪銀兩派地方官經理

詔許回籍屢次展假受

恩愈渥圖報愈切而病亦愈深不可爲矣自李績賓帶兵以來兄弟皆以潔清自矢廉俸薪資悉供軍用家無長物環堵蕭然李績宜每謂區區介節不足以言報稱古有沒而結草以酬恩遇者李績宜臨終遺書殆出至誠臣蓋于其平日信之也李績宜之入皖也與袁甲三志同道合皆以銳意討苗爲己任袁甲三端留之際亦

嘗有書遺臣屬臣慎益加慎勿輕苗逆爲易剪勿視淮  
北爲易收等語有苟偃付託士句死不瞑目之風今苗  
逆伏誅淮甸澄清該兩臣齎志以終不克親歷行間一  
抒生前之忠憤尤爲可悲可憫除袁甲三已

加恩褒卹外李續宜應得卹典例由湖南撫臣入奏臣  
不敢妄有陳請特其臨終遺函悱惻哀痛理合專疏馳  
報代達勞臣戀

闕之忱所有接據前撫臣病故遺書節錄代陳伏乞

皇太后

會文正公奏議

卷七

五

皇上聖鑒訓示謹奏

同治二年

謝優敘 恩并陳軍情疏

奏爲恭謝

天恩並陳近日軍情仰祈

聖鑒事竊臣接准江蘇撫臣咨開李鴻章克復蘇州一

摺同治二年十一月初四日內閣奉

上諭協辦大學士兩江總督曾國藩遣將助兵克復名

城著交部從優議敘等因欽此當卽恭設香案望

闕叩頭謝

恩訖伏念臣忝督兩江才識短淺庚申辛酉兩年方以

會文正公奏議

卷七

五

經營皖事愧不能調將分兵早達蘇境以慰吳人雲霓  
之望而紓

朝廷宵旰之憂逮壬戌年疏荐李鴻章率師赴滬又愧

不能多撥得力之營同赴危險之地維時所遣之將陸

軍僅程學啟一人係曾國荃拔諸降眾之中信其謀勇

寡儔水軍僅黃翼升一人係臣奏統舟師之員信其忠

誠可恃此外如潘鼎新劉銘傳張樹聲吳長慶張遇春

等皆臣與李鴻章商同遴派之將自李鴻章抵滬以後

臣未嘗續撥一將續助一兵今夏派李朝斌太湖水師

東下滬中之局已大定威已大振矣蘇州功績之成乃由李鴻章秉承

聖謨獨攄忠悃每當艱險之際恒匹馬以當先或遇絕續之交持孤往以爭勝用能轉危而爲安遠攻而近守臣自愧謀略之不如亦並爲始願所不及更復何功可言何勞可錄不圖

聖澤旁敷優加甄敘聞

命之下感悚交并縱愚誠之勉竭覺報稱之彌難自蘇州克復僞忠王卽帶數萬人援救金陵到城已近五十曾文正公奏議卷七

五

日尙未猛撲官軍營壘近據李鴻章來函聞忠逆以溧陽至饒景數百里處處乏食頗以裹糧急趨爲難又據鮑超來牘探報侍逆將親率悍黨裹二十日糧蓄意由長興廣德甯國一帶上犯江西先據產糧之區以俟忠逆續至各等語臣竊計忠侍二逆旣不能各保分地又不欲苦援金陵誠非自皖入江別無圖存之策從廣德甯邑上竄江西約有兩路西路由旌德太平石埭以竄饒景東路由昌化醴安開化以竄玉田西路之防臣已派兵堅守涇旌太石青池六城東路之防必由浙境經

過臣已飛咨左宗棠沈葆楨分別扼守以期節節堵遏  
力保上游完區其金陵洪逆老巢賊氣尙固糧食未竭  
臣弟國荃日夜憂灼臣囑令不求速效但求穩慎以期  
仰副

聖主塵念南畷謀出萬全之至意所有微臣感激下忱  
並近日軍情謹繕摺由驛具奏伏乞

皇太后

皇上聖鑒謹 奏

同治二年

曾文正公奏議

卷七

三

